



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Adversvs Omnia Catabaptistarvm Prava Dogmata  
Heinrychi Bullingeri lib. IIII**

**Bullinger, Heinrich**

**Tigvri, 1535**

**VD16 B 9759**

Quod ueri Chritiani reditus soluant, & quod sit officium magistratus in  
rebus temporarijs

**urn:nbn:de:hbz:466:1-35433**

## TRACTATVS

posse Christianum esse, qui seruos habet. Nec interim negamus multo perfectiorem futurum, si seruos suos propter deum manumittat. Quod si non fecerit, cogi nec debet nec potest, modo talis sit qui uim non inferrat, et nihil praeter aequum et iustum cum illis agat.

Porro quum reditus de rebus suis accipere sine do lo et fraude (ut superiora colligamus) minus et leuius sit, quam seruos habere, et seruis imperare neminem a deo separat: consequitur hoc quod leuius est neminem Christiano nomine depellere. Hæc ergo prædicatio quam in uulgo spargitis (Christianū non posse reditus recipere) falsa est, peruersa, et erronea, quam eneruatan et subuersam ex prædictis quibuslibet pijs satis adparet.

Restat iam ut affirmatiuā nostrā, quod Christiani reditus soluant, etiam probemus.

## QVOD VERI CHRISTIANI reditus soluant, et quod sit officium magistratus in rebus temporarijs.

**N**on est priuati hominis cuiuscunq; tandem, ut in rebus istis temporarijs, uenditionibus scilicet, emptionibus, negotiationibus, mercibus, solutionibus, debitibus, fœderibus, pactionibus aut contractibus, sua sponte aut utilitate, uel publice uel priuata

priuatim, quidquam statuat, decernat, aut præscribat.

Hoc enim magistratus est publici, quibus in tempora= Ad quē per  
rijs istis data est potestas + Vicarij sunt dei magistra= tineat admī  
tus: qui duplex est. Alter enim animabus & rebus di= nistratio re  
uinis: alter rebus externis & corporalibus præfici= rum tempo  
tur. Sed de altero iam loquimur cui administratio re= ralium.

rum externarum demandata est, ut in his statuat ac decernat pro temporum, locorum, & personarum qualitate, & quatenus id ad pacem & tranquilitatem publicam conducere uidetur, & quantum iustitia & æquitas suadet. Iam omnium piorum est, ut præceptis & decretis magistratus huiusmodi obtemperent, nec uelit quisq; pro suo arbitrio tumultuari, & confundere omnia. Huic ordinationi legitime si quis resistit, is non hominibus sed dei ordinatio ni resistit. Est enim magistratus dei uicarius in terris, qui iuxta os domini omnia pronunciat, & iudicijs ius stis lites & disceptationes tollit, publicam pacem & tranquillitatē tuetur. Huc pertinet quod Paulus Rom. 13, admonet, quum de magistratus uocatione & officio locutus, mox subdit: Reddite ergo omnibus quod debetur, cui tributum tributum, cui uctigal uctigal, cui timorem timorem, cui honorem honorem.

Et Christus ipse docet ac præcipit ut Cæsari quod Cæsar, & deo quod dei est reddatur: sub Cæsar no mine omnem in genere magistratum intelligens. Chi

## TRACTATVS

debetur obedientia in hisce rebus quæ cum pietate et  
iustitia non pugnant. Nihil unquam contra ius gen-  
tium nec Christus nec apostoli tentarunt.

Ad hoc pertinet quod Ioannes publicanis dicit, ne  
plus acciperent quam sit ipsis constitutum, nimurum  
a magistratu, ut supra patuit. Deinde quod Lucæ 2.  
scriptum est de censu et professione quæ facta est re-  
gnante Augusto, sub praefide Syriæ Cyrenio. Petrus  
omni ordinationi humanæ nos subditos esse iubet 1.  
Petri 2. Paulus 1. Cor. 6. quosdam esse uult in ecclesia,  
qui de rebus ad uitam pertinentibus decernant et sta-  
tuant, ac inter fratres, si quæ lites de ijs incident, com-  
ponant.

Quum quidam Christū de diuidunda inter se et fra-  
trem hereditate compellaret Lucæ 12. Christus hoc  
officij a se reiicit in magistratū. Dicit enim: Quis me  
constituit iudicem aut disceptatorem inter uos? qua-  
si diceret: Hoc magistratus munus est, non cuiuslibet  
priuati hominis.

Sic uidemus Ioannem, apostolos, Christum ipsum,  
quod ad temporaria et externa pertinet, ad magi-  
stratum retulisse omnia, ut quorum præceptis ac de-  
cretis parere conueniat, ut omnibus quæ debetur redi-  
cantur. Nihil tumultus in his mouent unquam, ne E-  
uangelium propter haec male audiat. Et licet Romæ,  
Corinthi, alijsq; magnis et maritimis urbibus, in qui-  
bus

bus magnæ negotiatio[n]es & contractus fiebant, p[re]dicarent, tamen contra ius gentium nihil uel p[re]dicas-  
se uel scripsisse dicuntur.

Spiritus ergo Apostolicus non est, qui contempto  
magistratu & eius legibus pro temporarijs rebus tu-  
multuatur & litigat. Ex patre diabolo nascitur hic,  
& cupiditate noxia, per quem satan, antiquus hostis  
ueritatis, Euangelijs splendorem opprimere conatur.  
De quo Iacobus sic scribit: Vnde bella & lites in  
uobis? Nonne hinc? nimirum ex uoluptatibus uestris,  
quæ militant in membris uestris. Concupiscitis & non  
habetis: inuidetis & æmulamini, & non potestis  
adipisci. &c.

QVANTVM IVGVM PER  
abolitionem reddituum populo imponeretur.

**E**xpendendum omnino simplicibus, non synce-  
ros esse, qui hæc mouent, nec amore huc insti-  
gatos, qui nondum recte consyderarunt, quid  
ex hisce demum sequeretur. Nec tam bene tecum agi-  
tur unquam, quin ceruicibus tuis duplex onus impo-  
natur, utrumq[ue] duplo grauius quam sint redditus. De-  
cernat aut indulgeat magistratus, ut intra quin-  
quennium omnes redditus simul cum sorte redimantur.  
Iam duo grauissima incommoda succedent. Alterum,